

夏素集

七

一名孫伯碧擒獲牟欽彭道成二名陰陽官王世榮
等擒獲何本政徐奉金李狗狗張氏四名口除射殺
身死不曾割功并淹死不等外通計共擒斬四百四
十名口顆剝奪獲驛馬六十七頭匹賊衣六十一件
腦包一十一箇旗五面鎗刀一十四根把銅鑼一面
神像一尊角帶三條道印一顆銀四十三兩四錢八
分布三十疋斬獲馬尾七尾砍死驛馬九十餘頭匹
并稱各賊告願撫追又差藍廷瑞毋鮮氏毋舅鮮

永金戶內藍相藍永金姨夫吏何鸞節次入營招撫
節回聽撫緣由前來緣前項流賊日久計猾不來迎
敵惟務速逃疲我官兵追逐乘隙遂肆劫掠已經總
制會臣議行清野之法示令居民近者搬移入城遠
者擇立山寨將人口騾馬糧食盡行收保賊來則堅
壁拒守賊過則趁時耕種賊果難於搶食虜騎逃過
陝西被亦如斯因是勢窮力屈又被官兵追緊意欲
再假聽撫延緩至秋田野稻熟豈意官兵湊集團隨

深厚只得跟隨前來探知臣等先已分布湖廣都指
揮宋英等一哨於金寶寺正東十餘里螺拐山住劄
施州衛指揮童昶等一哨於本寺東南十里方斗柳
枝坪都指揮李玉等一哨於本寺正南十里瓦窯壩
四川石砦土兵人等於本寺西南八里羅花溪都指
揮李蔭等一哨於本寺正西十里崖城坪都指揮吳
宏等一哨於本寺西北十里多羅坪執旗吏何定一
哨於本寺正北將十里寶興寺通判第五德一哨於

本寺東北十餘里十二灣界剎寺各住劉及行見在
軍前湖廣監軍御史何棐叅議方璘四川按察使公
勉仁叅改曹祥副使張敏馮傑并原取軍前贊畫致
仕知府王嘉慶等各去分投督調臨時那近相機撫
勦及四川鎮守太監韋興巡按御史俞繼督發兵餉
前來協助賊心疑懼遲延違限止到浪洋寺依山分
營散住不肯前來投見致被永順土舍彭世麟并各
哨亦各有人何定安宇等又令鮮永金何驚等在內

設計將各賊首誘出盡數擒獲止有小老人廖麻子
一名逃走未知存亡餘黨勦散除已獲外其餘鑽林
散逃者又行嚴督各哨官兵四散分投追勦及嚴令
領兵等官并各處地方守隘人員遍搜山箐務期盡
絕若散走十人以下者俱要生擒解審二三十人以
上執有兵器拒敵者方准首級耳功以杜妄殺總制
人會臣出給告示發去各該州縣鄉村地方張掛曉
諭但有逃散賊黨或三五人或十數人為一夥躲在

山林避命者俱許照奉

勅諭內除首惡不宥其脅從之人有能自首免罪事理俱
赴所在官司自首與免本罪審發回籍復業優卹不
許官兵把隘人等阻拏報功如此則散賊可以盡滅
地方可以保安靖矣臣等議照藍廷瑞鄔本恕首倡
為亂王金珠李尚鑾冷玉珍等同惡相濟始稱順天
括地掃地三王一十八總旗上偽書負王天子後改
八大老人總管四十八營小老人藍廷瑞仍稱總兵

官收掌萬戶府偽印遇有更換老人摠甲等項印給
批帖追獲見在似此罪惡貫盈神人憤怒是以天奪
其魄即今首惡盡擒餘黨勦散軍民胥慶地方已安
此蓋仰賴

祖宗在天之靈

皇上無疆之福

聖謨神武施及遐方摠制洪鍾籌畫周詳與鎮守等官叶
心贊理是以將士用命成此武功臣愚陋無能不勝

欣躍慶幸之至除將省惡藍廷瑞等俱發湖川二省
三司寺官會問取招通行解京及散逃餘黨追捕盡
絕并將係捷音事理謹具題

知奉

聖旨林俊協謀進勦功勞可嘉竊勅獎勵差來承差賞給
絲衣服一套新欵一千貫免他辦事着吏部照本寺資
格除授該衙門知道欵此續該兵部題前事正德六年

八月初三日奉

聖旨是洪鍾加太子太保賞銀五十兩紵絲四表裏韋興
歲加祿米十二石賞銀四十兩紵絲三表裏林俊陞本
院右都御史藍章右副都御史各賞銀三十兩紵絲二
表裏有功陣亡等項官軍人等着上緊查勘并副叅紀
功巡按守巡等官一併來說生擒首惡藍廷瑞鄒本恕
等二十八名不必解京錦衣衛便差的當千戶二員馳
驛前去殲文與洪鍾就彼或在途隨處押赴附近省府
會同巡撫巡按等官監看都凌遲三日梟首去被害地

方示衆欽此

辭免陞賞賊平曲容致仕疏

奏為乞

恩辭免陞賞賊平曲容照舊致仕事
正德六年九月二十日
據陝西漢中府差舍人楊連齋到
兵部咨為捷音事
該總制尚書洪鍾會臣題擒獲藍廷瑞
鄔本恕等荷蒙

聖恩陞臣都察院右都御史賞銀三十兩紵絲二表裏者

負山知重集木若驚竊念臣章句腐儒未閑兵旅虛
名起廢才短深憂每恨功成之不早而罪至之莫逃
孤

上知以重貽大方之笑不謂意外濫此

寵榮夫官賞所以酬勞臣由前之擒勦廖惠廖胖子等與
奪獲印刀則將士之功由今之擒執藍廷瑞鄔本恕
等則主將之謀與藍廷瑞之母及其母舅諸弟入營
招誘之致與臣無與况臣前起廣東右布政使後起

巡撫江西右副都御史俱因疾辭職不赴今起力疾
即赴誠以西川弗靖臣身雖農畝義當竭微分以上
報

國恩非幸復用規規然圖此過望之典也又兼時務少
諳福氣素薄桑榆已暮尤深骸骨之懷烽火尚紅轉
切閭閻之念以此羈留未敢求去迹同繫戀心實耻
之伏望

皇上憫臣至情收回成命容守舊職征勦孽保殘賊麻六

兕等江津殘賊方四等各平日查照宋臣葉夢鼎元
臣許衡成化間都御史高明事例許臣順回照舊致
仕則始終生全之恩皆

陛下聖德如

天之賜臣不勝感激願幸之至緣係乞

恩辭免陞賞賊平曲容照舊致仕事理謹具奏

聞奉

聖旨軍前陞賞已有成命不允所辭但卿既累陳疾病情

詞懇切准回原籍致仕該部知道欽此

大壩捷音

題為捷音事竊惟克平西蜀崇文正劉闢之誅載靖東
川張詠收李順之黨王均討而漢州定吳曦執而興
州平師貴有名蜀本難治

皇上德符

七聖化洽八紘在陶冶自無亂民奈覆育尚餘驕子正德
六年正月江津殺敗賊首曹甫餘黨方四等綦江奔

命網漏無多崖井聚群烏合又盛既又流入思南流
入石阡收虜號稱數萬方四偽稱總兵已殺任麻子
偽稱御史與小賊首周鳳周統王一千張孫兒孫長
官李萬千周黑子王長生廖光周廣趙金統劉漢增
藍么楊興張萬頃鄒彥甫等俱偽稱評事提小旗名
色頭戴極厚腦包身穿絮被鎗箭難入又專虜善走
騾馬出入如飛劫掠財物燒燬鄉村姦汙婦女攻奪
城寨屠戮人民不可勝計

皇上命興三省之師六月貴州兵敗之於思南等處擒斬
一千有餘播州兵敗之於三跳等處擒斬二千有餘
俱具

題外各賊隨殺隨虜不日又盛四川鎮守太監韋興巡
視今改松潘巡撫都御史高崇熙預知賊必來江津
報讐議處韋興駐會城高崇熙駐重慶內外操兵遙
振督同三司等官布政使劉丙洪遠副使王時中署
都司事僉事盧翊催調官兵整備糧賞軍器總兵官